

Čoahkkáigeassu

Rávdnji lea buori servodaga ja árvoháhkama eaktu. Luohtehahti el-rávdnjelágideapmi mearkkašupmi lassána vel eanet dál go árgabeaivi šaddá eanet digitálan ja go gáibádušat eanet dálkkádatustitlaš energiijageavaheapmái mielddisbuktet ahte mii geavahit elrávdnji mángga sajis servodagas. Lea Statnett bargu duhtadit boahhteáiggi fápmoárbbuid dan bokte ahte váikkuhit fápmovuogádaga koordinerejuvvon ovddideami, ja ahte rivttes investeremat dahkkojuvvojit rivttes áigái. Mis lea maiddá ovddasvástáduš fápmosystema oktilaš doaimmas. Eiseválddit gáibidit ahte sihke ovddideapmi ja doaimma galgá čađahuvvot servodatekonomalaččat gánnáhahti vuogiin.

Statnett ásahii jagi 2018 N3-prošeavtta («Næring og nett i nord/Ealáhus ja fierpmádat davvin») dárkileappot geahčadan dihte ealáhusovddideami ja neahttaárbbu ovttasdoaimmama. Ulbmilin lei ráhkadit oktasaš plána neahttaovddideapmái nuortabealde Skáiddi. Plána čájehuvvui geaidnokártan mas neahttaovdánan lea cehkiid mielde.

N3 váldokonklusuvnnat leat ahte Finnmárkkus lea heajut fievrridanfierpmádat go muđui riikkas, ja das lea unnán kapasitehta ja alla raššivohta. Ođasmahttojuvvon analysat čájehit ahte fierpmádagas Nuorta-Finmárkui lea unnit guoros kapasitehta go ovdal vurdojuvvoi, seammás go golaheami meroštallan lea stuorát go ovdal.

Lea addojuvvon 171 MW konsešuvdna Rággočearru III:i ja Hámmánoaivi (Hamnefjell) II:i. Konsešuvdnaaddojuvvon bieggafámu Várnjárggas ii sáhte čatnat almmá stuorát kapasitehta haga nehtas. Viidáseappot Statnett diehtá sullii 400 MW geavahanplánaid. Go ođđa rávdnjefievrrideaddji Davvesiida-Sáttováris sáhtta láchit dilálašvuodaid eanet geavaheapmái ja buvttadeapmái ja buoridit lágidansihkarvuoda, de lea dat lunddolaš lávki fierpmádaga ovdánahttimis regiovnnas.

Dán vuodul ohcá Statnett hukset ođđa 420 kV fápmolinnjá Davvesiidda transformáhtorstašuvnna ja ođđa Sáttovári transformáhtorstašuvnna gaskka. Ođđa Sáttovári transformáhtorstašuvdna boahťa Statnett dálá transformáhtorstašuvnna sadjái Vuonnabađas.

Statnett ohcá dasa lassin Barents Nett bealis laktima 132 kV fierpmádahkii Várjjat-rieggás Vuonnabađa transformáhtorstašuvnnas Sáttovárrái.

Statnett ohcá konsešuvnna ođđa 420 kV áibmojođđasii mii manná bálddalagaid dáláš 132 kV linjjá jođđosiin. Statnett dáláš 132 kV jođđasat Davvisiiddas ja Deanu Šaldái laktojuvvojit maiddá ođđa 420 kV stašuvdnii Sáttováris.

Statnett ozai konsešuvnna 420 kV jođas Skáiddi ja Davvesiidda gaskka juovlamánus 2020, mas Davvesiidda transformáhtorstašuvdna ođđasit ohccojuvvoi 420 kV stašuvdnan ja mii boahťa dálá Áttánjoga transformáhtorstašuvnna sadjái.

Ođđasit ohccojuvvon johtingeaidnu gaskal Davvisiidda ja Sáttovári lea su. 74 km guhkku. Lea plánejuvvon geavahit olggobealde bardunerejuvvon másttaid (M-master) eanas gaskka.

Leat čađahuvvon váikkuhusčielggadeamit doaimmabijuid ektui. Dát leat dahkkon NČE 2011 čielggadanprográmma vuodul, maŋŋil 2010 dieđáhusa, ja dat leat ođasmahttojuvvon otná dássái. Fágareporttat leat mielddusin dán konsešuvdnaohcamis, ja fáttáid čoahkkáigeassu lea maiddá addojuvvon ohcama Kap. 7:as.

Berošteaddjit ávžžuhuvvojit buktit oainnuideaset NČE gulaskuddanáigodagas. NČE:s lea ovddasvástádus gulaskuddamis ja áigu juohkit dieđuid buot gulaskuddanbelliide dan birra mo dat čađahuvvo.

Dieđuid prošeavtta birra, konsešuvdnaohcama oktan mildosiiguin gávnnat Statnett
neahtasiiddus: www.statnett.no